

Yungzsuij: Lwgnyez Myauzcuz Lingx Ndaej “Ngaenzciengj hag” Angqvauvau

Ndwen 8 ngoenz 20, Yungzsuij Myauzcuz Swciyen Vaizbauj Cin Mbanjdunhsuij Mbanjmyauz banh aen yizsi fat “ngaenzciengj hag”. Gijgenj genhcaz ganbu capyouq mbanj aeu gij ngaenz couz ndaej haenx, fat ngaenzciengj hag 2.1 fanh maenz hawj 46 boux lwgnyez Myauzcuz bineix gauj hwnj daihhag, cunghag caeuq bingz baenz “hagseng sam ndei” “hagseng ganbu maenhndei” haenx.

Ciuq cam rox, bi 2016 ndwen 10, Liujcuh Si Gijveij senj baij suhgi daih’it daengz aen yienh neix Vaizbauj Cin Mbanjdunhsuij Mbanjmyauz, suhgi

daih’it yungh “ceih gungz ceih ngawz gonq, banggungz bang caiz gonq” guh leixniemh, cauhaeb le “ngaenzgoek ciengj doegsaw”. Seizneix, Mbanjdunhsuij Mbanjmyauz gonqlaeng couz ndaej ngaenzgoek ciengj doegsaw 31 fanh maenz, fat ngaenzciengj hawj 426 boux hagseng maenhndei 6 buek 13.99 fanh maenz, doenghgij hagseng neix dwg vunz Mbanjdunhsuij Mbanjmyauz gauj hwnj daihhag cungdiemj, cunghag. Gij saeh neix bangrenz cinjing vut gungz,guhbaenz gij heiqaenh hagseng naekgywd beij, hag, gyaep, mauh.

(Lungz Linzci/龙林智)

► Suhgi daih’it fat ngaenzciengj hag hawj lwghag maenhndei.



Lozcwngz: Gofoux Fungcingz Mulajcuz Youq Baekging Yienj

Ndwen 8 ngoenz 17, gaiq nduj “aen lwnhdamz lijyouz vwnzva diuzroen seuqcingh Yiz Cwngzlungz” youq Baekging Yinzminz Yizbause baugaudingh guh, Lozcwngz Vwnzgvangdij-lijgiz cujeiz biujyienj gij gofoux fungcingz Mulajcuz, hawj bouxhek camgya haihoih haenx haeujgyawj roxnyinh gij yinxdaeuz minzsuz vwnzva lai yiengh Mulajcuz, yienjok miz gij heiqaenh minzcuz lai dangqmaz ndaej daengz siminz Baekging haengjgyaez. (Mungz Cwnghsw/蒙增师)



▲ Aen doih yienjheiq Lozcwngz Mulajcuz Swciyen cingq yienj gofoux Mulajcuz 《Fwen Laeuj》.



▲ Yienhciegz gijwn ndei lai dangqmaz.

Ningzmingz Banh Ciet Gijgwn Ndei Lijyouz Vwnzva Gozci Byaraiz

Ndwen 8 ngoenz 22 daengz 25, vih caenh’itbough daezlien vwnzva gijgwn bonjdieg, fungfouq huq lijyouz, Ningzmingz Yen youq aen cin iq Dunghmungz Byaraiz cujeiz banh gij hozdung Ciet Gijgwn Ndei Lijyouz Vwnzva Gozci Byaraiz. Hozdung miz “doxdax guh gijgwn ndei daegsaek Byaraiz” “baij gai gijgwn ndei Dunghmungz” “baij gai huq lijyouz vwnzva” “ciet ciengqgo aen cin iq Dunghmungz Byaraiz gaiq daihngieih” daengj.

Youq ngoenz 24, haiguh “doxdax guh gijgwn ndei daegsaek Byaraiz”, aen yienh neix cujeiz aen bouqlaeuj dangdieg mizmingz, gizey guh gijgwn, boux gagguh caeuq daengx yienh 13 aen yanghein caeuq 3 aen nungzgyahloz vazgyauz nungzcangz daengj aen gizey guh gijgwn, gak senj soengq byaek roxnaeuz gijgwn iq miz deihfueg daegsaek haenx 2 loh doxhwnj camgya doxdax, youz boux sug dajcawj Aen Hezvei Dajcawj Guengsae dang bingzveij yienhciegz hawj faensoq.

Ngoenzhaenx, hozdung yienhciegz vunz lai dangqmaz, nauhyied raixcaix. Boux dajcawj roengzsim guh gijgwn ndei daeuj camgya doxdax, moix loh byaek baij buenz cungj gig ndei yawj, homfwfw, hawj gyoengq bouxhek haenh mbouj dingz mbouj duenh.

(Luz Dezsanh Liuz Sejavaz/陆铁山 刘雪华)

Cingsih Si Vadung Cin Makbakhom Bangrenz Vut Gungz Gunggeng



▲ Vunz doih guhhong, cunh ganbu son vunzguhnaz hohleix makbakhom.

Ndwen 8 ngoenz 25, youq ndaw suen makbakhom Ginzczwz Cunh Cingsih Si, vunz doih guhhong vut gungz gunggeng capyouq mbanj aen cin neix, cunh ganbu cingq sonyinx ranzungzhoh laeb dangjan laeb gaj hohleix makbakhom. Geij bi neix daeuj, aen cin neix gaenxmaenx sonyinx vunz lai dangdieg yungh gij hingzsik “gunghsw + dieggoek + nungzhoh”, riuzcienj diegnamh 10000 lai moux ndaem makbakhom, makit, makgam, maknongzgoet daengj daegsaek canjnieb. Dangdieg 100 lai ranz laeb dangjan laeb gaj doenggvaq riuzcienj diegnamh, camgya guenj-guh, guhhong daengj hingzsik gyalai souhaeuj, vaiq di vut gungz baenz miz.

(Vangz Anhcungh Linz Yinh-yuz/黄安忠 林歆旭)